



স্কুল ফর কমিউনিটি ডেভেলপমেন্ট

(ইসটিটিউট ফর কমিউনিটি ডেভেলপমেন্ট-এর তত্ত্বাবধানে পরিচালিত)

সরকারি রেজিস্ট্রেশন নম্বর: এস-৬৮১৩(০১/০৭)

প্রসপেক্টাস

(শিক্ষাবর্ষ ২০২৪)

প্রধান শাখা

বাড়ী নং-৫৪/এ, রোড নং-১২

শেখেরটেক, মোহাম্মদপুর

ঢাকা-১২০৭।

সূচনা বক্তব্য:

ইন্নালা হামদালিল্লাহ! ওয়াসসলাতু ওয়াসসালামু ‘আলা রাসূলিল্লাহ।
ইসলামনিষ্ঠ প্রিয় ভাই ও বোনরা, আসসালামু আলাইকুম!

সাম্প্রতিক কয়েক দশকে আমাদের দেশে ইসলামি শিক্ষার নামে বহু স্কুল ও কিন্ডার গার্টেন স্থাপিত হয়েছে। কিন্তু এগুলোর অধিকাংশই শেষ পর্যন্ত ইসলামের সাথে সাংঘর্ষিক সংস্কৃতি ও মূল্যবোধের অনাকাঙ্ক্ষিত অনুকরণের পথে ধাবিত হয়েছে। এ ধরনের গতানুগতিকতা পরিহার করে একটি উত্তম শিক্ষা উপস্থাপন করাই আমাদের অঙ্গীকার।

স্কুল ফর কমিউনিটি ডেভেলপমেন্ট (SCD) হচ্ছে একটি ব্যতিক্রমী শিক্ষা কার্যক্রম। সময়ের শেষ পরিক্রমা পর্যন্ত সর্বাবস্থায় আল্লাহ সুবহানাহু ওয়া তা’আলা প্রদত্ত শাস্ত্রত ইসলামি ব্যবস্থার শ্রেষ্ঠত্ব তুলে ধরাই এর প্রয়াস। আমাদের ইচ্ছা জাগতিক শিক্ষার সাথে পরকাল ভিত্তিক জীবন চেতনা ও ইসলামি মূল্যবোধের একটি যথাযথ সমন্বয় গড়ে তোলা। আমাদের সাধনা হবে আল্লাহ তা’আলার আনুগত্যকে সর্বোচ্চ অগ্রাধিকার প্রদান করা এবং এর মুক্বাবিলায় চলমান বা দৃশ্যমান ভুল আকীদাহ এবং অন্য যে কোনো ভুল বিষয় বা বিষয়সমূহকে প্রত্যাখ্যান করা। স্কুল ফর কমিউনিটি ডেভেলপমেন্ট তার অভিযাত্রায় যে দৃষ্টিকল্প (Vision) পালন করবে এবং যে কারিকুলাম এখানে ব্যবহৃত হবে, সে সম্পর্কে একটি সংক্ষিপ্ত ধারণা এ বুকলেটে উপস্থাপনের চেষ্টা করা হয়েছে। আমরা আশা করি চিন্তাশীল অভিভাবক, যাঁরা মহান আল্লাহর বিধান অনুযায়ী জীবন অনুশীলনে বদ্ধপরিবর্তন, তাঁদের জিজ্ঞাসু ও কৌতূহলী মনে এ আহ্বান যথাযথ সাড়া জাগাবে।

লক্ষ্য ও উদ্দেশ্য:

১২ বছর বয়স পূর্তির পূর্বে জীবন ও শিক্ষা অর্জনের প্রারম্ভিক বছরগুলো শিশুদের জীবন গঠনের দিক থেকে নিঃসন্দেহে একটি নাজুক বা সংবেদনশীল পর্যায়। এ সময়ে তাদের চিন্তা ও চেতনায় যদি ভুল আকীদাহ ও মূল্যবোধ প্রোথিত হয়, তাহলে জীবনের শেষ প্রান্ত পর্যন্ত সেটা অবলোপন করা খুব কঠিন হয়ে পড়ে। পিতা-মাতা, শিক্ষক-অভিভাবক, আমরা যারা দৃঢ় ঈমান নিয়ে সীরাতুল মুসতাক্বীমের পথে এগিয়ে যাওয়া কামনা করি, তারাও অনেকেই মারাত্মক রকমের ভুল করে চলেছি। আমরা ‘আধুনিক শিক্ষা’ ‘আলোকিত জীবন’ প্রভৃতির চিত্তাকর্ষক আহ্বানে বিভ্রান্ত হয়ে ঈমান আকীদাহ বিবর্জিত এবং ইসলামের সাথে সাংঘর্ষিক চেতনা সম্পন্ন জনগোষ্ঠীর শিক্ষা ব্যবস্থা এবং তাদের কাছ থেকে পাওয়া বিপুল বই, সাহিত্য এবং তাদের চিন্তা-চেতনা সৃষ্ট বিষয়বস্তু কোন প্রকার বাছ-বিচার ছাড়াই আমাদের সন্তানদের জন্য উন্মুক্ত করে দিয়েছি। বিংশ শতাব্দীর ত্রিশের দশকে ধর্মান্তরিত ইউরোপীয় মনীষী মুহাম্মদ আসাদ এ সমস্যাটিকেই তাঁর লেখনীতে তুলে ধরেছিলেন এভাবে:

“Except in rare cases, where a particularly brilliant mind may triumph over the educational matter. Western education of Muslim youth is bound to undermine their will to believe in the message of the prophet, their will to regard themselves as representatives of the religiously-motivated civilization of islam.” (পৃষ্ঠা-৬৩, Islam at the crossroads, আসাদ)

সংগত কারণেই সম্ভাব্য বিপর্যয় এড়াতে পাশ্চাত্য সাহিত্য, মূল্যবোধ, কৃষ্টি, নৈতিকতা (মূলত অনৈতিকতা) প্রভৃতির শ্রেষ্ঠত্বের অমূলক ধারণা তাদের অপরিপক্ব অথচ নিষ্কলুষ ও দূষণমুক্ত মস্তিষ্কে অনুপ্রবেশ করার

আগেই সেখানে আল্লাহ তা'আলার দ্বীন এবং নবী (সাল্লাল্লাহু আলাইহি ওয়া সাল্লাম) এর সুল্লাহ সম্পর্কে পরিচ্ছন্ন ধারণার ভিত গড়ে দিতে হবে। আমরা, শিশুদেরকে ইসলামের মৌলিক শিক্ষা, কুরআনের আরবি শিক্ষা এবং তাজউইদ (শুদ্ধ উচ্চারণে কুরআন তিলাওয়াত) প্রশিক্ষণ দেব ইনশা'আল্লাহ! সাথে থাকবে বাংলা, ইংরেজি, গণিত, পরিবেশ বিজ্ঞান এবং সামাজিক বিজ্ঞান। সময়ের সাথে সাথে একটি করে ক্লাস বৃদ্ধি করতে করতে, আমরা ইনশা'আল্লাহ এখন দশম শ্রেণি পর্যন্ত বিস্তৃত। এখানে শিক্ষার মাধ্যম হবে বাংলা। সাথে কুরআনের আরবি এবং ইংরেজি ভাষাও যথাযথ গুরুত্ব সহকারে শিক্ষা দান করা হবে ইনশা'আল্লাহ, যাতে শিক্ষার্থীরা সময় ও পরিবেশের চাহিদা ও প্রয়োজনের উপযোগী হয়ে গড়ে উঠতে পারে। কুরআন-হাদীস এবং সম্ভাব্য সকল ইসলামি উৎস থেকে আমরা পাঠ উপকরণ সংগ্রহ করতে চেষ্টা করবো। ইতিহাস পড়াতে আমরা প্রথমেই বেছে নেব ইসলামের সোনালী অতীত। একইভাবে, পরিবেশ বিজ্ঞানের বেলায় আমরা আল-কুরআনে আল্লাহ তা'আলা যে সমস্ত নিদর্শনের উল্লেখ করেছেন, সেগুলোকে সম্পৃক্ত করে পাঠদান করবো। এভাবে আমরা চাইবো ১২ বছর বয়সে পৌঁছানোর পূর্বেই শিশু যেন ইসলামি জ্ঞান ও মূল্যবোধের একটি মজবুত ভিত্তির উপর দাঁড়িয়ে যায়।

দেশের পরিবর্তিত শিক্ষা ব্যবস্থা অনুযায়ী আমরা ছাত্র-ছাত্রীদেরকে জাতীয় কারিকুলামের অনুবর্তী করে তুলব, যাতে তারা হালাল কর্মসংস্থান ও পরিচ্ছন্ন জীবন নির্বাহের সংগ্রামে সফলভাবে আত্মনিয়োগ করতে পারে। আমরা বাংলাদেশে বসে তাদের যুক্তরাষ্ট্র বা যুক্তরাজ্যের স্বপ্ন দেখাবো না। সবাইকে ছেড়ে একা ভালো থাকার স্বার্থপর স্বপ্ন নয়; বরং আল্লাহ তাঁর “ক্বদর” অনুযায়ী যে আমাদের, বহু নিয়ামতের এই ভূ-খন্ডে জন্ম দিয়েছেন-সেজন্য শুকরিয়া জানিয়ে, এই ভূ-খন্ড নিয়ে ভালো থাকার স্বপ্ন দেখাবো ইনশা'আল্লাহ!

ব্যবস্থাপনা কর্তৃপক্ষ:

ইনস্টিটিউট ফর কমিউনিটি ডেভেলপমেন্ট (ICD) সদস্যদের সমন্বয়ে গঠিত ICD-র একটি সাব-কমিটি, স্কুল ফর কমিউনিটি ডেভেলপমেন্টের (SCD) ম্যানেজিং কমিটি হিসেবে কাজ করবে এবং স্কুলের প্রশাসন ও ব্যবস্থাপনার সার্বিক দায়িত্বে থাকবে।

প্রশাসন:

প্রতিষ্ঠানের শিক্ষাগত দিক পরিচালিত হবে পেশাগতভাবে দক্ষ ও অভিজ্ঞ শিক্ষকমন্ডলীর দায়িত্বে। প্রশাসন, হিসাব, নিরাপত্তা প্রভৃতি কাজ সম্পন্ন করতে নিয়োজিত থাকবে আলাদা একটি উপযুক্ত টিম।

পাঠ্যসূচি এবং সংশ্লিষ্ট অন্যান্য বিষয়:

ইনস্টিটিউট ফর কমিউনিটি ডেভেলপমেন্ট (ICD) [৫ (পাঁচ) সদস্য বিশিষ্ট একটি টিম] উপরে বর্ণিত লক্ষ্য ও উদ্দেশ্যের আলোকে পাঠ্যসূচি প্রণয়নের কাজে রত আছে। এটি ধারাবাহিক গবেষণাধর্মী একটি কর্মসূচি হিসেবে অব্যাহত থাকবে। ইসলামের আদর্শিক দিক এবং হারাম নয় এমন পার্থিব বিষয়াদির বাস্তবানুগ চাহিদার ভিত্তিতে পাঠ্যসূচির মানোন্নয়নের জন্য সংযোজন ও পরিমার্জনের প্রচেষ্টা দীর্ঘ মেয়াদী একটি কার্যক্রম হিসেবে থাকবে।

শ্রেণি বিন্যাস

	শ্রেণি	বয়স
নার্সারি পর্যন্ত ছেলে ও মেয়েদের যৌথভাবে পাঠদান।	নার্সারি	৪-৫ বছর
	কেজি	৫-৬ বছর
	১ম শ্রেণি	৬-৭ বছর
	২য় শ্রেণি	৭-৮ বছর
	৩য় শ্রেণি	৮-৯ বছর
কেজি ও তদুর্ধ্ব শ্রেণিতে ছাত্র/ছাত্রীদের পৃথক ব্যবস্থা	৪র্থ শ্রেণি	৯-১০ বছর
	৫ম শ্রেণি	১০-১১ বছর
	৬ষ্ঠ শ্রেণি	১১-১২ বছর
	৭ম শ্রেণি	১২-১৩ বছর
	৮ম শ্রেণি	১৩-১৪ বছর
	৯ম শ্রেণি	১৪-১৫ বছর
	১০ম শ্রেণি	১৫-১৬ বছর

পাঠ্য বিষয়:

পর্যায়ক্রমে এসএসসি পর্যন্ত নিম্নের বিষয়গুলোতে শিক্ষাদানের ব্যবস্থা গ্রহণ করা হবে:

ক) ইংরেজি খ) বাংলা গ) হিফজুল কুরআন (আংশিক), কুরআনের আরবি ভাষা এবং ইসলামিক স্টাডিজ ঘ) পরিবেশ বিজ্ঞান ঙ) স্বাস্থ্য শিক্ষা চ) সাধারণ গণিত ছ) নৈব্যক্তিক গণিত জ) পদার্থ বিদ্যা ঝ) রসায়ন ঞ) জীব বিজ্ঞান ট) ইতিহাস ঠ) ভূগোল ড) অর্থনীতি ঢ) কম্পিউটার বিজ্ঞান। স্কুলের শিক্ষাবর্ষ হবে জানুয়ারি হতে ডিসেম্বর পর্যন্ত এবং এটি দুইটি টার্মে বিন্যস্ত হবে।

আল-কুরআন হিফজ ও আরবি ভাষা শিক্ষা:

আল-কুরআন হিফজ:

শিক্ষার্থীরা সাধারণত নার্সারি, কেজি ও ১ম শ্রেণিতে কায়দা ও আম্মাপারা অধ্যয়ন করে। ১ম/২য় শ্রেণিতে আল-কুরআন রিডিং (নাজেরা) পড়বে এবং ২য়/৩য় শ্রেণি থেকে শিক্ষার্থীরা তাদের সামর্থ্য অনুযায়ী আল-কুরআন হিফজ করবে, ইন-শা-আল্লাহ।

আরবি ভাষা শিক্ষা:

আরবি ভাষা শিক্ষা কারিকুলামের প্রধান লক্ষ্য হচ্ছে ১০ম শ্রেণির মধ্যে একজন শিক্ষার্থী সাবলীলভাবে আল-কুরআনের সরল অর্থানুবাদ করতে পারবে এবং প্রয়োজনীয় আরবি ব্যাকরণ শিখবে।।

আরবি ভাষা শিক্ষার ধাপসমূহ:

নার্সারি, কেজি: আরবি অক্ষরজ্ঞান সম্পর্কে ধারণা লাভ করবে।

১ম ও ২য় শ্রেণি: আরবি ভাষার মৌলিক কিছু নিয়মাবলি, আরবি লেখা, ইমলা এবং কুরআনভিত্তিক কিছু শব্দ মুখস্থ করবে।

৩য়-৫ম শ্রেণি: কুরআনভিত্তিক আরবি ব্যাকরণ শেখা এবং আল-কুরআনের আয়াতের মাধ্যমে তার প্রয়োগ শিখবে ও অনুশীলন করবে।

৬ষ্ঠ-৭ম শ্রেণি: সম্পূর্ণ আল-কুরআন শব্দে শব্দে তরজমা করা শিখবে পাশাপাশি আরবি ব্যাকরণের প্রয়োগ শিখবে ও চর্চা করবে।

৮ম-১০ম শ্রেণি: উস্তাজ/উস্তাজার কাছে আল-কুরআনের অনুবাদ শোনাতে এবং নির্বাচিত আয়াতের তাফসির শিখবে, ইন-শা-আল্লাহ।

শিক্ষক-অভিভাবক সভা:

পিতা-মাতা বা অভিভাবকবৃন্দের সাথে স্কুলের অধ্যক্ষ, ক্লাস টিচারদের উপস্থিতিতে প্রতিটি সাময়িক পরীক্ষার পূর্বে "প্যারেন্টস মিটিং" অনুষ্ঠিত হবে। এ সকল সভায় সব ধরনের সমস্যা নিয়ে আলোচনা করা হবে এবং প্রতিষ্ঠানের উন্নতির জন্য পিতা-মাতা/অভিভাবকবৃন্দের পরামর্শ ও অভিমত গুরুত্বের সাথে বিবেচনার জন্য গৃহীত হবে।

কারিকুলাম বহির্ভূত কার্যক্রম:

শিক্ষার্থীদের সার্বিক উন্নতির জন্য আর্টস এন্ড ক্রাফটস ও বিজ্ঞান মেলা, ক্বিরাত প্রতিযোগিতা, কুইজ প্রতিযোগিতা, ক্রীড়া প্রতিযোগিতা, দেয়ালিকা, সেমিনার ও আলোচনা অনুষ্ঠান প্রভৃতি আয়োজন করা হবে। এছাড়া প্রতি বছর শিক্ষা-বিনোদন ভ্রমণ আয়োজন করা হবে এবং শিক্ষার্থীদেরকে বাস্তবভিত্তিক শিক্ষা অর্জনের ব্যবস্থা করা হবে। শিক্ষার্থীরা বিনোদনের পাশাপাশি শিক্ষা অর্জনেও যাতে অগ্রণী হয় সে জন্য তাদেরকে এসব কাজে অংশগ্রহণে উদ্বুদ্ধ করা হবে।

বিদ্যালয় গ্রন্থাগার:

লাইব্রেরী হচ্ছে জ্ঞানগৃহ। শিক্ষা ব্যবস্থায় স্কুল লাইব্রেরীকে শিক্ষানুশীলনের কেন্দ্র গণ্য করা হয়। স্কুল ফর কমিউনিটি ডেভেলপমেন্ট একটি মানসম্পন্ন পাঠাগার পরিচালনা করবে যাতে প্রয়োজনীয় সকল শ্রেণির পাঠ্যচাহিদা পূরণ নিশ্চিত হয়।

ভর্তি:

এ প্রতিষ্ঠানের সকল পর্যায়েই ভর্তির বিষয়টি আসনের শূন্যতা সাপেক্ষে বিবেচিত হবে। ১ নভেম্বর ২০২৩ থেকে ফরম সরবরাহ করা হবে। ফরম সংগ্রহকারীদের পরবর্তীতে এ্যাসেসমেন্ট টেস্টের দিন ও সময় জানিয়ে দেওয়া হবে। ১৭ ও ১৮ ডিসেম্বর ২০২৩ নতুনবর্ষে ভর্তিচ্ছু শিক্ষার্থীদের মৌখিক/লিখিত এ্যাসেসমেন্ট টেস্ট নেওয়া হবে। উক্ত এ্যাসেসমেন্ট টেস্টের ফলাফল ১৯ ডিসেম্বর ২০২৩ জানিয়ে দেওয়া হবে ইন-শা-আল্লাহ।

কেবল বিশেষ ব্যতিক্রমী ক্ষেত্রে, আসনের শূন্যতা সাপেক্ষে বছরের অন্যান্য সময়ে ভর্তির বিষয়টি বিবেচনা করা হবে।

ফি এবং প্রদেয় অন্যান্য অর্থের হার:

	খাত	মূল্য	পরিশোধের নিয়ম
০১	আবেদন ফরম এবং প্রসপেক্টাস	২০০/-	ক্রয়, প্রতি ফরম
০২	ভর্তি ফি	১০,০০০/-	প্রথমবার ভর্তির সময়
০৩	মাসিক বেতন* (নার্সারি - ৩য় শ্রেণি)	৩,০০০/-	মাসিক
০৪	মাসিক বেতন* (৪র্থ-১০ম শ্রেণি)	৩,৫০০/-	মাসিক
০৫	বার্ষিক চার্জ	৫,০০০/-	প্রতি বছর

* মাসিক বেতনের মধ্যে টিফিন ফি অন্তর্ভুক্ত।

পরিশোধের সময় সীমা:

টিউশন ফি প্রত্যেক মাসের ৮ তারিখের মধ্যে পরিশোধ করতে হবে।

ক্লাস সময়:

নার্সারী	:	৮:৩০ - ১০:৩০ (প্রথম শিফট)
নার্সারী	:	১০:৫০ - ১২:৫০ (দ্বিতীয় শিফট)
কে.জি.	:	৮:০০ - ১০:৩৫ (মেয়ে)
কে.জি.	:	১১:০০ - ১:৩৫ (ছেলে)

প্রভাতি শাখা (মেয়ে)

১ম - ২য় শ্রেণি	:	৭:১০ - ১১:২৫
৩য় - ১০ম শ্রেণি	:	৭:১০ - ১২:০০

দিবা শাখা (ছেলে)

যোহর সলাত	:	১২:২৫ (১ম - ১০ম শ্রেণি)
১ম - ২য় শ্রেণি	:	১২:৪০ - ৫:১৫
৩য় - ১০ম শ্রেণি	:	১২:৪০ - ৫:৫০

* প্রতি শনিবার শুধুমাত্র হিফজ শিক্ষার্থীরা ৪:০০ ঘন্টা সময়ের জন্য স্কুলে আসবে উক্ত দিন শিক্ষার্থীরা বিগত সপ্তাহের মুখস্থকৃত পড়া উস্তাজ/উস্তাজাদের শোনাবে।

বিশেষ দ্রষ্টব্য: প্রয়োজন সাপেক্ষে ক্লাসের সময় পরিবর্তন করা হতে পারে।

নিয়মিত ছুটি ও বিশেষ অবকাশ সুবিধা:

- * সপ্তাহে নিয়মিত দু'দিন ছুটি থাকবে। ছুটির দিন হবে শুক্রবার ও শনিবার।
- * রমাদান মাসে এবং গ্রীষ্ম ও শীতকালীন সময়ে বিশেষ অবকাশ দেয়া হবে।
- * এছাড়া প্রত্যেক বার্ষিক পরীক্ষার পর সংক্ষিপ্ত অবকাশ দেয়া হবে।
- * সরকার ঘোষিত ছুটির দিনসমূহে স্কুল কার্যক্রম সম্পূর্ণ বন্ধ থাকবে।

শৃঙ্খলা:

প্রত্যেক শিক্ষার্থীকে প্রতিষ্ঠানের নিয়ম-নীতি নির্ধারণ সাথে মেনে চলতে হবে। কোন শিক্ষার্থী প্রতিষ্ঠানের নিয়ম-নীতির যথাযথ অনুসরণে ব্যাঘাত ঘটালে বা তার আচরণ সন্তোষজনক নয় বলে প্রতীয়মান হলে কর্তৃপক্ষ সংশ্লিষ্ট শিক্ষার্থীকে বহিষ্কার করার ক্ষমতা সংরক্ষণ করবেন।



স্কুল ফর কমিউনিটি ডেভেলপমেন্ট

প্রধান শাখা

বাড়ি নং-৫৪/এ, রোড নং-১২, শেখেরটেক,

মোহাম্মদপুর, ঢাকা-১২০৭।

মোবাইল: ০১৭০৫-৬৭৯৬০৩

শান্তিনগর শাখা

৩৮/৬, শান্তিনগর (পীর সাহেবের গলি)

মাসজিদ আস-সিদ্দিক (রা.), ঢাকা-১২১৭।

মোবাইল: ০১৩০০-৫৬০ ৬৫৭

সিলেট শাখা

বাসা নং ৪৫, উর্মি আবাসিক এলাকা

পশ্চিম শিবগঞ্জ, সিলেট

মোবাইল: ০১৬০০ ৩১৯ ৯৯৯

ই-মেইল: info@scdbd.org

ওয়েবসাইট: www.scdbd.org